

醫

學

三

字

經

目錄

卷一

源流

中風

虛癆

咳嗽

瘧疾

痢疾

心痛

腹痛

胸痺

隔食

反胃

氣喘

血症

水腫

脹滿

卷二

三字彙

目錄

蠱脹

暑症

泄瀉

眩暈

嘔吐  
逆嘔

癰

狂

痛

五淋

癰閉

濁病

遺精

疝氣

痰飲

消渴

傷寒

瘟疫

婦人

小兒

卷三

藥方

卷四

藥方

附錄

陰陽

識一字便可為醫說

臟腑

十二官

三字經

目錄

二

心說

肝說

脾說

肺說

腎說

胃說

膽說

大腸小腸說

三焦說

手心主說

膀胱說

命門說

經絡

四診

望色

聞聲

問證

切脉

運氣

張飛疇運氣不足憑說

三字經

目錄

三



醫學三字經小引

童子入學塾師先授以三字經。欲其便誦也。識途也。學醫之始未定先授何書。如大海茫茫。錯認半字。羅經便入牛鬼蛇神之域。余所以有三字經之刻也。前曾托名葉天士取時俗所推崇者。以投時好。然書中之奧旨。悉本聖經。經明而專家之伎可廢。謝退谷於注韓書室得繕本。惠書千餘言。屬歸本名。幸有同



志。今付梓而從其說。而仍名經而不以為僭  
者。採集經文還之先聖。海內諸君子。可因此  
一字而共知所遵。且可因此一字而不病余  
之作。嘉慶九年歲次甲子。八日。陳念祖自題  
於南雅堂。

醫學三字經卷一

閩吳航陳念祖修園著

男元豹道彪古愚全校  
元犀道照靈石

醫學源流第一

醫之始

本岐黃

黃。黃帝也。岐。岐伯也。君臣問答。以明經絡藏府運氣治療之原。所以為醫之祖。雖神農本草

經。在黃帝之前。而神明用藥之理。仍始於內經也。

# 靈樞作

素問詳

靈樞九卷。素問九卷。通謂之內經。漢書藝文志載黃帝內經十八篇是也。醫門此書。即業儒之五經也。

# 難經出

更洋洋

洋洋盛大也。難經八十一章。多闡發內經之旨。以補內經所未言。即間有與內經不合者。

其時去古未遠。別有考據也。○秦越人。號扁鵲。吳國人也。著難經。

## 越漢季

有南陽

張機。字仲景。居南陽。官長沙。漢人也。著傷寒雜病論。金匱玉函經。

## 六經辨

聖道彰

內經詳於鍼灸。至伊尹有湯液治病之法。扁鵲倉公因之。仲師出而雜病傷寒。始以方藥為治。其方俱原本於神農黃帝相傳之經方。而集其大成。

# 傷寒著

金匱藏

王肯堂謂傷寒論義理如神龍出沒首尾相顧鱗甲森然。○金匱玉函示寶貴秘藏之意也。其方非南陽所自造乃上古聖人相傳之方。所謂經方是也。其藥悉本於神農本經。非此方不能治此病。非此藥不能成此方。所按必效如桴鼓之相應。

## 垂方法

立津梁

仲師醫中之聖人也。儒者不能舍至聖之書而求道。醫者豈能外仲師之書以治療。

李唐後

有千金

唐孫思邈。華原人。隱居太白山。著千金方。手金翼方。各三十卷。宋仁宗命高保衡林億校正。後列禁經二卷。今本分為九十三卷。較金匱雖有浮泛偏雜之處。而用意之奇。用藥之巧。亦自成一家。

外臺經

重醫林

唐王焘。著外臺秘要四十卷。分一千一百四門。論宗巢氏方多秘傳。為醫門之類書。

三字經

卷一

三

後作者

漸浸淫

等而下之。不足觀也。

紅紫色

鄭衛音

間色亂正。靡音忘倦。

迨東垣

重脾胃

金李杲。字明之。號東垣老人。生於世宗大定二十年。金亡。入元。十七年乃終。年七十二。舊

本亦題元人。作脾胃論。辨惑論。蘭室秘藏。  
後人附以諸家。合刻有東垣十書傳世。

溫燥行

升清氣

如補中益氣。及升陽散火之法。如蒼朮白朮  
羌活獨活木香陳皮葛根之類。最喜用之。

雖未醇

亦足貴

人謂東垣用藥。如韓信將兵。多多益善。然駸  
雜之處。不可不知。惟以脾胃為重。故亦可取。

若河間

專主火



金劉完素字守真河間人事蹟俱詳  
金史方技傳主火之說始自河間

# 遵之經

斷自我

原病式十九條俱本內經至真要大論多以  
火立論而不能參透經旨如火之平氣曰升  
明火之太過曰赫曦火之不及曰  
伏明其虛實之辨若冰炭之反也

# 一二方

奇而要

如六一散防風通聖散之  
類皆奇而不離於正也

丹溪出

罕與儔

元朱震亨。字彥修。號丹溪。金華人。其立方視諸家頗高一格。

陰宜補

陽勿浮

丹溪心法。以補陰為主。謂陽常有餘。陰常不足。諸家俱辨其非。以人得天地之氣以生。有生之氣。即是陽氣。精血皆其化生也。

雜病法

四字求

謂氣血痰鬱是也。一切雜病。只以此四字求之。氣用四君子湯。血用四物湯。痰用二陳。鬱用越鞠丸。參差互用。各盡其妙。

若子和

主攻破

張子和。戴人書中所主。多大黃芒硝牽牛羌花大戟甘遂之類。意在驅邪。邪去則正安。不可畏攻。而養病。

中病良

勿太過

子和之法實。症自不可廢。然亦宜中病而即止。若太過。則元氣隨邪氣而俱散。挽無及矣。

## 四大家

聲名噪

劉河間。張子和。李東垣。朱丹溪。為金元四大家。張氏醫通之。考核不誤。

## 必讀書

錯名號

李士材醫宗必讀。四大家論。以張為張仲景誤也。仲景為醫中之聖。三子豈可與之並論。

## 明以後

須酌量

言醫書充棟汗牛。可以博覽之以  
廣見識。非謂諸家所著皆善本也。

## 詳而備

王肯堂

金壇王字泰諱肯堂著症治準繩。  
雖無所採擇亦醫林之備考也。

## 薛氏按

說騎牆

明薛已號立齋吳縣人著薛氏醫按十六種。  
大抵以四君子六君子逍遙散歸脾湯六八  
味丸主治。  
語多騎牆。

# 士材說

守其常

李中梓號士材。國朝人也。著醫宗必讀。士材三書。雖曰淺率。却是守常。初學者所不廢也。

# 景岳出

著新方

明張介賓。字會卿。號景岳。山陰人。著類經。質疑錄。全書所用之方。不外新方八陣。其實不足。以名方。古聖人明造化之機。探陰陽之本。製出一方。非可以思議及者。若僅以熟地補

陰。人參補陽。薑附祛寒。參連除熱。隨  
拈幾味。皆可名方。何必定為某方乎。

石頑續

溫補鄉

張璐。字路玉。號石頑。國朝人也。著  
醫通。立論多本景岳。以溫補為主。

獻可論

合二張

明寧波趙獻可。號養葵。著醫貫。大旨重  
於命門。與張石頑張景岳之法相同。

診脉法

瀕湖昂

明李時珍。字東璧。號瀕湖。著本草綱目五十二卷。雜收諸說。及亂神農本草經之旨。卷末刻脉學頗佳。今醫多宗之。

數子者

各一長

知其所長。擇而從之。

揆諸古

亦荒唐

理不本於內經。法未熟乎仲景。縱有偶中。亦非不易矩矱。



長沙室

尚徬徨

數子雖曰私淑長沙升  
堂有人而入室者少矣。

惟韻伯

能憲章

慈谿柯琴字韻伯國朝人著傷寒論註論  
翼大有功于仲景而內經之旨賴之以彰。

徐尤著

本喻昌

徐彬號忠可尤怡號在涇二公金匱之注俱  
本喻嘉言故嘉言名昌江西南昌人崇禎中。

以選舉入都。卒無所就。遂專務於醫。著尚論  
篇。上張太過。而醫門法律。頗能闡發金匱之  
秘旨。

# 大作者

推錢塘

張志聰。號隱菴。高世拭。號士宗。俱浙江錢塘  
人也。國朝康熙間。二公同時學醫。與時不  
合。遂閉門著書。以為傳道之計。所注內經。本  
草經。傷寒論。金匱等書。各出手眼。以發前人  
所未發。為漢後第一書。今  
醫畏其難。而不敢談及。

取法上

得慈航

取法乎上。僅得其中。切不可。以醫方集解。本草  
草條要。醫宗必讀。萬病回春。本草綱目。東醫  
寶鑑。馮氏錦囊。景岳全書。薛氏醫按。等書為  
捷徑也。今之醫輩。於此書並未寓目。止取數  
十種庸陋之方。冀圖  
倖中。更不足論也。

中風第二

人百病

首中風

內經云。風為百病之長也。昔醫云中。臟多滯  
九竅。有昏。緩失音耳聾。自聾。鼻塞。便難之症。  
中腑多着四肢中。經則口眼  
喎斜。中血脉則半身不遂。

驟然得

八方通

中風病。驟然昏倒。不省人事。或痰湧掣搐偏  
枯等症。八方者。謂東西南北。東北。西北。東南  
西南也。

閉與脫

大不同

風善行而數變。其所以變者。亦因人之臟腑。寒熱為轉移。其人臟腑素有鬱熱。則風乘火勢。火借風威。而風為熱風矣。其人臟腑本屬虛寒。則風水相遭。寒水徹骨。而風為寒風矣。熱風多見閉症。宜疏通為先。寒風多見脫症。宜溫補為急。

## 開邪閉

續命雄

小續命湯。風症之雄師也。依六經見症加減治之。而主驅邪。○閉者。宜開。或開其表。如續命湯是也。或開其裏。如三化湯是也。或開其壅滯之痰。如稀涎散。滌痰湯是也。

# 回氣脫

參附功

脫者宜固參附湯固守腎氣木附湯固守脾氣芪附湯固守衛氣歸附湯固守營氣先回其氣次治其風若三生飲一兩加人參一兩則為標本並治之法正虛邪盛必遵此法

# 顧其名

思其義

名之曰風明言八方之風也名之曰中明言風自外入也後人議論穿鑿俱不可從

# 若舍風

非其治

既名中風。則不可  
舍風而別治也。

# 火氣痰

三子備

劉河間舉五志過極動火而卒中。皆因熱甚。  
故主乎火。大法用防風通聖散之類。亦有引  
火歸源。如地黃飲子之類。李東垣以元氣不  
足而邪濇之。令人卒倒。如風狀。故主乎氣虛。  
大法補中益氣湯加減。朱丹溪以東南氣溫  
多濕。有病風者。非風也。由濕生痰。痰生熱。熱  
生風。故主乎濕。大法以二陳湯  
加蒼朮白朮竹瀝薑汁之類。

不為中

名為類

中者。自外而入於內也。此三者既非外來之風。則不可仍名為中。時賢名為類中風。

合而言

小家伎

虞天民云。古人論中風言其症也。三子論中風言其因也。蓋因氣因濕因火。挾風而作。何嘗有真中類中之分。

瘖喎斜

昏仆地



瘖者不能言也。喝斜者。口眼不正也。昏仆地者。不省人事。猝倒於地也。○口開目合。或上視撒手。遺尿。身睡。汗出如油者。不治。

## 急救先

柔潤次

柔潤。熄風。為治中風之秘法。喻嘉言加味六君子湯。資壽解語湯。甚妙。

## 填竅方

宗金匱

內經云。邪害空竅。金匱中有侯氏黑散。風引湯。驅風之中。兼填空竅。空竅滿。則內而舊邪。

不能容外。而新風不復入矣。喻嘉言曰。仲景  
取藥積腹中不下。填竅以熄風。後人不知此  
義。每欲開竅以出其風。究竟竅空而風愈熾。  
長此安窮哉。三化湯愈風湯大秦芫湯皆出  
機要。方中云。是通真子所撰。不知其姓名。然  
則無名下士。煽亂後人。見聞非所謂一盲引  
衆盲耶。

### 虛癆第三

虛癆病

從何起

咳。嗽。吐。血。五。心。煩。熱。目。花。耳。鳴。口。爛。鼻。乾。氣。急。食。不。知。味。羸。瘦。驚。悸。夢。遠。往。來。寒。熱。怠。惰。嗜。臥。疲。倦。骨。蒸。不。寐。女。子。不。月。等。症。皆。成。癆。病。

## 七情傷

上損是

肺。謂。損。其。陽。自。上。而。下。一。損。肺。二。損。心。三。損。胃。過。於。胃。則。不。可。治。其。說。本。於。內。經。二。陽。之。病。發。心。脾。有。不。得。隱。曲。為。女。子。不。月。○。按。心。脾。上。也。至。不。得。隱。曲。女。子。不。月。則。上。極。而。下。矣。

# 歸脾湯

二陽旨

即內經二陽之病發心脾之旨也。此方為養神法。六味丸為補精法。高鼓峯並用之。

## 下損由

房幃過

命鴻謂損其陰自下而上。一損腎。二損肝。三損脾。過於脾則不可治。其說本於內經五藏上藏精也。不可傷。傷則失守而無氣。無氣則死矣。○按精生於五藏而統司於腎。如色慾過度則積傷而下損。至於失守無氣則下極而上矣。

# 傷元陽

## 虧腎水

腎氣。即元陽也。元陽傷。為困倦。食少。便澀。腰痛。陽痿等症。腎水。即元陰也。元陰虧。為蒸熱。咳嗽。吐血。便血。遺精。喉痛。口瘡。齒牙浮動等症。

# 腎水虧

## 六味擬

六味地黃丸。為補腎水之主方。景岳左歸飲。左歸丸。亦妙。推之三才湯。八仙長壽丸。都氣丸。天王補心丹。皆可因症互服。

# 元陽傷

八味使

崔氏腎氣丸。後人名八味地黃丸。立方之意。原為煖腎逐水。非補養元陽。明薛立齋及趙養葵始用以溫補命火。時醫遂奉為溫補腎命之主方。景岳右歸飲。右歸丸。皆本諸此。如火未大衰者。以還少丹代之。陽虛極者。宜近效白朮湯。

# 各醫書

伐止此

苦寒敗胃。及辛熱耗陰。固無論已。即六味歸脾。何嘗非流俗之套法耶。

# 甘藥調。

## 回生理。

扁鵲云。鍼藥莫治者。調以甘藥。仲景因之。喻嘉言云。壽命之本。積精自剛。然精生於穀。穀入少。則不能生血。血少。則不能化精。內經云。精不足者。補之以味。味者。五穀之味也。補以味。而節其勞。則積貯漸富。大命不傾。

# 建中湯

## 金匱軌

小建中湯。及加黃芪。加人參。加當歸。加白朮。等湯。皆急建其中。氣俾飲食增。而津液旺。以

至充血生精而復其真陰之不足。但用稼穡作甘之本味。而酸辛苦鹹在所不用。蓋舍此別無良法也。○按炙甘草湯即此湯化為潤劑。喻氏清燥湯即此湯化為涼劑。

薯蕷預丸

風氣弭

金匱薯蕷丸。自註云。治虛勞諸不足。風氣百疾。

鹿虫蝨丸

乾血以

金匱大黃蝨虫丸。自注治五勞七傷。內有乾血。肌膚甲錯。



## 二神方

能起死

尤在涇云。風氣不去。則足以賊正氣。而生長不榮。以著損丸為要方。乾血不去。則足以留新血。而灌漑不周。以麋虫丸為上劑。今之醫輩。能夢見此二方否。

## 咳救第四

氣上喘

欬嗽生

內經云。五臟六腑皆令人咳。不獨肺也。然肺為氣之市。諸氣上逆於肺。則喘而咳。是咳嗽

不止於肺而亦  
不離於肺也。

# 肺最重

胃非輕

內經雖分五臟諸咳。而所尤重者。在聚於胃。關於肺。六字。蓋胃中水穀之氣。不能如霧上蒸於肺。而轉既諸臟。只是留積於胃中。隨熱氣而化為痰。隨寒氣而化為飲。胃中既為痰飲所滯。則輸肺之氣亦必不清。而為諸咳之患矣。

# 肺如鐘

撞則鳴

肺為臟腑之華。嗚呼之則虛。吸之則滿。只受  
得本然之正氣。受不得外來之客氣。客氣干  
之。則嗆而咳矣。亦只受得臟腑之清氣。受不  
得臟腑之病氣。病氣干之。亦嗆而咳矣。肺體  
屬金。譬若鐘然。一外。一  
內。皆所以撞之。使鳴也。

## 風寒入

## 外撞鳴

經云。微寒微咳。可見咳嗽多。因於風寒也。風  
從皮毛而入於肺。寒從背俞而入於肺。皆主  
乎外也。後注雖言熱言濕言燥。令  
不自行。亦必假風寒以為之。肺也。

癆損積

內撞鳴

癆傷咳嗽。主。乎。內。也。二者不治。至於咳嗽失音。是金破不鳴矣。

誰治外

六安行

六安煎雖無深義。却亦平穩。然外感諸欬。當辨風熱風燥二症。如冬時先傷非節之暖。復加風寒外遏。以致咳嗽痰結咽腫身重自汗。脈浮者。風熱也。宜葦蕤湯辛潤之劑。切勿辛熱發散。而風燥一症。辨治尤難。蓋燥為秋氣。令不獨行。必假風寒之威。而令乃振。欬乃發。

也。內經只言秋傷於濕何也。以長夏受濕土鬱蒸之氣隨秋令收斂伏於肺胃之間。直待秋深燥令大行與濕不能相容。至冬而為咳嗽也。此症有肺燥胃濕兩難分解之勢。唯千金麥門湯五味子湯獨得其秘。後人以飲散不分燥潤雜出棄之昧之甚也。

## 誰治內

虛癆程

宜於虛癆門擇其對症之方。審是房勞傷精則補精。審是思鬱傷脾則養神。

## 挾水氣

小龍平

柯韻伯治咳嗽。不論冬夏。不拘淺深。但是寒嗽。俱用小青龍湯。多效。方中誣風散寒解肌。逐水利肺。煖腎除痰定喘。懷外安內。各盡其妙。蓋以肺家有沉寒痼冷。非麻黃大將。不能傷其巢穴。群藥安能奏效也。

# 兼鬱火

小柴清

寒熱往來咳嗽者。宜去人參大棗生薑。加乾薑五味治之。

# 薑細味

古法程  
一齊廣

金匱治痰飲咳嗽。不外小。青。龍。湯。加。減。方。中  
諸。味。皆。可。去。取。唯。細。辛。乾。薑。五。味。不。肯。輕。去。  
即。而。熱。如。醉。加。大。黃。以。清。胃。熱。及。加。石。膏。杏  
仁。之。類。終。不。去。此。三。味。學。者。可。不。深。思。其。故  
也。徐。忠。可。金  
匱。辨。註。有。論。

# 長沙論

細而精

金匱痰飲咳嗽  
治法宜熟讀之

## 瘧疾第五

瘧爲病

屬少陽

少陽爲半表半裏邪居其界。入與陰爭則寒出與陽爭則熱。爭則病作。息則病止。止後其邪仍據於少陽之經。

寒與熱

若迴翔

寒熱必應期而至

日一發

亦無傷



邪淺則一日一作  
邪深則二日一作

三日作

瘡三日一作時醫名  
三陰瘡流連難愈。

治之法

以小柴胡湯為主。初起俗忌人  
參。姑從俗而去之。加青皮二錢。

熱偏盛

勢猖狂

小柴方

加清涼

小柴胡湯加知母花粉石  
膏黃連之類隨宜擇用

寒偏重

加桂薑

加乾薑桂枝甚  
者加附子肉桂

邪氣盛

去參良

身熱者小柴胡湯去人參加桂枝  
二錢服後食熱粥溫覆取微汗

常山入

力倍強

小柴胡湯加常山二三錢。俗云邪未淨不可用常山以截之。不知常山非截邪之品。乃驅邪外出之品。仲景用其苗名曰蜀漆。

# 大虛者

## 獨參湯

虛人久瘥不愈。以人參一兩。生薑五錢。水煎五更服。極效。貧者以白朮一兩代之。熱多者以當歸代之。

# 單寒壯

## 理中匡

單寒無熱名曰牡瘧。宜附子理中湯加柴胡治之。

## 單熱瘧

白虎詳

單熱無寒。名曰瘧瘧。或先熱後寒。名曰熱瘧。俱宜以白虎湯加桂枝治之。時醫以六味湯加柴胡為藥治之。

## 法外法

辨微茫

已上皆前醫之成法。更法外有法。不可不辨而治之。三字經

卷一

三

消陰翳

制陽光

熱之不熱。是無火也。益火之原。以消陰翳。  
寒之不寒。是無水也。壯水之主。以制陽光。

太僕注

慎勿忘

王太僕消陰制陽等註。千古不刊之論。趙養葵遵之。以八味丸益火之源。六味丸壯水之主。久瘧多以此法收功。

痢症第六

濕熱傷

赤白痢

王損菴論痢專主濕熱其症裏急後重腹痛  
欲便不便膿血穢濁或白或赤或赤白相半  
熱勝濕

赤痢瀆

胃為多氣多血之海熱陽邪也熱  
勝於濕則傷胃之血分而為赤痢

濕勝熱

白痢墜

濕陰邪也濕勝於熱則傷胃之氣分而  
為白痢○赤白相半則為氣血兩傷

# 調行箴

須切記

行血則膿血自愈。調氣則後重自除。  
此四句為治初痢之格言。須切記之。

## 芍藥湯

熱盛餌

芍藥湯調氣行血。雖為初痢之總方。究竟宜於熱症。

## 平胃加

寒濕試

寒濕瀉痢初起者。以平胃散加乾薑澤瀉。  
猪苓木香治之。久而不愈。送下香連丸。

熱不休

死不治

方書云。痢症發熱不休者不治。

痢門方

皆所忌

凡痢症初起。即發熱。非肌表有邪。即經絡不和。溫散而調營衛外邪。一解。痢亦鬆去。若概以為熱。開手即用痢門套方。多有陷入變劇者。

桂葛投

鼓邪出



時醫有發汗之戒。以其無外證而妄汗之也。若頭痛發熱惡寒有汗。宜用桂枝湯法。無汗。宜用葛根湯法。鼓邪外。出。然後治其病。

## 外疏通

## 內暢遂

此二句是解所以發汗之故也。張飛疇云。當歸四逆湯。治痢極效。若發熱而嘔者。小柴胡湯。葛根黃連黃芩甘草湯。口渴下重者。白頭翁湯。如神。

## 嘉言書

## 獨得閱

喻嘉言醫門法律  
中議論甚見透徹。

# 寓意存

補金匱

喻嘉言寓意草中。如麻黃附子細辛湯。及  
入參敗毒散等案。却能補金匱所未及。

## 心腹痛胸痺第七

# 心胃疼

有九種

真心痛。不治。今所云心痛者。皆心胞  
絡。及胃脘痛也。共有九種。宜細辨之。

辨虛實

明輕重

虛者喜按。得食則止。脉無力。實者拒按。得食愈痛。脉有力。二症各有輕重。

痛不通

氣血壅

痛則不通。氣血壅滯也。

通不痛

調和奉

通則不痛。氣血調和也。○高士宗云。通之之法。各有不同。調氣以和血。調血以和氣。通也。

上逆者使之下行。中結者使之旁達。亦通也。虛者助之。使通。寒者溫之。使通。無非通之之法也。若必以下洩為通。則妄矣。

## 一蟲痛

烏梅圓

蟲痛時痛時止。唇舌上有白花點。得食愈。痛難為厥陰風木之化。宜烏梅丸。

## 二注痛

蘇合研

入山林古廟。及見非常之物。脉乍大乍小。两手若出兩人。宜蘇合丸。研而灌之。

# 三氣痛

香蘇專

因大怒及七情之氣作痛宜香蘇飲加元胡  
索二錢七氣湯亦妙又方用百合一兩烏藥  
三錢水煎服

# 四血痛

失笑先

瘀血作痛痛如刀割或有積塊脉  
瀉大便黑宜桃仁承氣湯失笑散

# 五悸痛

妙香詮

博痛即虛痛也。痛有作止。喜按。得食稍止。脉  
虛弱。宜妙香散。或理中湯加肉桂木香主之。

## 六食痛

平胃煎

食積而痛。暖腐吞酸。其痛有一條扛起者。宜  
平胃散加山查穀芽主之。傷酒再加葛根三  
錢。砂仁一錢。然新傷吐  
之。久傷下之。為正法。

## 七飲痛

二陳咽

停飲作痛。時吐清水。或脇下有水聲。宜二陳  
湯加白朮澤瀉主之。甚者十棗湯之類。亦可。

暫服

# 八冷痛

理中全

冷痛身涼脉細口中和宜理中湯加附子肉桂主之兼嘔者吳茱萸湯主之

# 九熱痛

金鈴瘥

熱痛身熱脉數口中熱宜金鈴子元胡索各二兩研末黃酒送下二錢名金鈴子散甚效如熱甚者用黃連梔子之類入生薑汁治之

# 腹中痛

照諸篇

臍上屬太陰。中臍屬少陰。臍下屬厥陰。而脇屬少陽厥陰之交界地面。宜分治之。然其大意與上相同。

# 金匱法

可回天

金匱要畧中諸議論皆死症求生之法。

# 諸方論

要拳拳



中庸云。則拳拳服膺而弗失之矣。○腹滿痛而下利者。虛也。吐瀉而痛。太陰症也。宜理中湯。雷鳴切痛。嘔吐者。寒氣也。宜附子梗米湯。此以下利而知其虛也。腹滿痛而大便閉者。實也。閉痛而不發熱者。宜厚朴三物湯。喘攻其裏。閉痛而兼發熱者。宜厚朴七物湯。兼通表裏。閉痛發熱。痛連脇下。脉緊弦者。宜大黃附子湯。溫下並行。以。便閉而知其實也。若繞臍疼痛。名寒疝。烏頭煎之峻。不敢遽用。而當歸生薑羊肉湯之妙。更不可不講也。

又胸痺

非偶然

胸膈之上。人身之太空也。宗氣積於此。非偶然也。

# 薤白酒

妙轉旋

括薤薤白酒湯或加半夏或加枳實薤白桂枝湯之類皆轉旋妙用

# 虛寒者

建中填

心胸大寒痛嘔不能飲食寒氣上衝有頭足不可觸近宜大建中湯主之上中二焦為寒邪所痺故以參薑故上焦之陽合飴糖以建止中氣而又加椒性之下行降逆上之氣復

下焦之陽為  
補藥主方。

# 隔食反胃第八

隔食病

津液乾

方書名隔者以病在膈上是也。又名隔者以食物不下而阻隔也。津液乾枯為隔食病源。

胃脘閉

穀食難

胃脘乾枯閉小水  
飲可行食物難下

# 時賢法

## 左歸養

趙養葵用大劑六味湯主之。高鼓峯仿趙養葵之法。以六味加生地當歸主之。楊乘六用左歸飲去茯苓。加當歸生地。以左歸飲中有甘草。引入陽明。開展胃陰。去茯苓者。恐其旁流入坎。不如崇碩陽明之速效也。

# 胃陰展

## 黃門寬

如膏如脂。疊積胃底。即胃陰也。久隔之人。則胃陰亡矣。高鼓峯云。治陽一陽明盡之。陽明

者胃也。但使胃陰充拓。在上之賁門寬展。則食物入在下之幽門。關門滋潤。則二便不閉。而膈症愈矣。

# 啓膈飲

理一般

故獨飲亦是和胃養陰之意。但此方泄肺氣之鬱。彼方救腎水之枯。一陰一陽宜擇用之。

# 推至理

衝脉干

張石頑云。膈咽之間。交通之氣。不得降者。皆衝脉上行逆氣所作也。

大半夏

加蜜安

衝脉不治。取之陽明。仲景以半夏降衝脉之逆。即以白蜜潤陽明之燥。加人參以生。既下之。津液。用甘瀾水。以降逆上之水。液。古聖之經方。唯仲景知用之。

金匱秘

仔細看

金匱明明用半夏。後世諸書皆以半夏為戒。毀聖之說。倡自何人。君子惡之。

若反胃

實可嘆

食得入。而良久反出。名為反胃。

朝暮吐

朝食暮吐。暮食朝吐。與  
隔食症。宜分別而藥之。

乏火化

王太僕云。食不得入。是有火也。食入反出。是無火也。此症屬中焦。下焦火衰無疑。

吳萸飲

分別者

屬虛寒

獨附丸

妙在具莫鎮厥陰逆氣。配入甘溫。令震坤。含德土。木不害。生附子。以百沸湯俟溫。浸去鹽。日換湯三次。三日外。去皮。放地上。四面以磚圍。外以炭火燒一時。則附子盡裂。乘熱投於薑汁。又如法製之。大抵一斤附子。配一斤薑汁。以薑汁乾為度。研末。蜜丸。以粟米稀粥送下。二錢。

## 六君類

俱神丹

六君子湯加薑附及附子理中湯之類。



氣喘第九

喘促症

治分門

氣急而上奔宜  
分別而治之

鹵莽輩

只貞元

貞元飲是治血虛而氣無所附。以此飲濟之  
緩之。方中熟地當歸之潤。所以濟之。甘草之  
甘。所以緩之。常服調養之劑。非急救之劑也。  
今醫遇无氣欲脫上奔之症。每用此飲以速

其危良可浩嘆。

陰霾盛

龍雷奔

喘症多屬飲病。飲為陰邪。非離照當空。群陰焉能退避。若以地黃之類。附和其陰。則陰霾冲逆肆空。飲邪滔天。莫救而龍雷之火。愈因以奔騰矣。

寔喘者

痰飲援

喘症之實者。風寒不解。有痰飲而為之。援則咳嗽甚。而喘症作矣。

葶藶飲

十棗湯

肺氣實而氣路閉塞為喘者。以葶藶大棗瀉  
肺湯主之。咳嗽氣喘。心下停飲。兩脇滿痛者。  
以十棗湯主之。

青龍輩

撤其藩

此方解表兼能利水。治  
內外合邪。以兩撤之。

虛喘者

補而溫

虛喘氣促不能接續脉虛細無力溫補二字宜串看有以溫為補者有以補為溫者切不可走於貞元一路留滯痰涎也。

## 桂苓類

### 腎氣論

仲景云氣短有微飲者宜從小便去之桂苓朮甘湯主之腎氣丸亦主之。

## 平衡逆

### 泄奔豚

衝氣上逆宜小半夏加茯苓湯以降之奔豚症初起臍下動氣久則上逆衝心宜茯苓桂

枝甘草大棗  
湯以安之。

# 真武劑

治其源

經云。其標在肺。其本在腎。  
真武湯為治喘之源也。

# 金水母

主諸坤

肺屬金而主上。腎屬水而主下。虛喘為天水  
不交之危候。治病當求其本。須知天水一氣  
而位乎天水之中者。坤土也。況乎土為金  
母。金為水母。危篤之症。必以脾胃為主。

# 六君子

妙難言

六君子湯加五味乾薑北細辛為治喘神劑  
面腫加杏仁面熱如醉加大黃此法時師問  
之莫不驚駭能讀金匱者始知予言之不謬也

## 他標劑

忘本根

唯黑錫丹鎮納元氣為喘症必用之劑此外  
如蘇子降氣湯定喘湯及沉香黑鉛之類皆  
是害人之物

血症第十

血之道

經曰。中焦受氣。取汁。變化而赤。是謂血。

本衝任

血之流溢。半隨衝任而行。於經絡。

溫肌腠

化中焦

中澆澆

外逍遙

血之流溢。半散於脉外。而充肌膚皮毛。

# 六淫逼

經道搖

六淫者。風寒暑濕燥火也。經常也。道路也。言血所常行之路也。外邪傷之。則搖動。

# 宜表散

麻芍條

外傷宜表散。米垣治一人。內蘊虛熱。外感大寒而吐血。法仲景麻黃湯加補劑。名麻黃人參芍藥湯。一服而愈。



# 七情病

溢如潮

七情者。喜怒哀懼愛惡欲也。七情之動。出於五志。醫書恒謂五臟各有火。五志激之。則火動。火動則血隨火而溢。然五志受傷。既久。則火為虛火。宜以甘溫之法治之。

## 引道法

甘草薑調

甘草乾薑湯如神。或加五味子二錢。火盛者。再加乾桑皮三錢。小麥一兩。時醫因歸脾湯有引血歸脾之說。謂引血歸脾。即是歸經。試問脾有多大。能容離經之血。成斗成盆。盡返

而歸於內而不裂破乎。市醫固無論矣。而以名醫自負者。亦蹈此弊。實可痛恨。

## 溫攝法

理中起

理中湯加木香當歸煎服。凡吐血服涼藥。及滋潤益甚。外有寒冷之象者。是陽虛陰走也。必用此方。血得煖則循行。經絡矣。此法出仁齋直指。

## 涼瀉法

令瘀銷

火勢盛。脉洪有力。寒涼之劑。原不可廢。但今人於血症。每用藕節。黑梔。白芨。舊墨之類。以

止瀉之。致留瘀。不。散。以。為。咳。嗽。虛。癆。之。基。金  
匱。瀉。心。湯。大。黃。倍。於。芩。連。為。寒。以。行。瘀。法。栢  
葉。湯。治。吐。不。止。為。溫。以。行。瘀。  
法。二。方。為。一。溫。一。寒。之。對。子。

## 赤豆散

糞前下血。為近血。金  
匱用常歸赤小豆散。

## 若黃土

糞後下血。為遠血。  
金匱用黃土湯。

## 下血標

## 寔翹翹

# 一切血

此方饒

黃土湯不獨糞後下血方也。凡吐血衄血大便  
血小便血婦人血崩及血痢久不止可以統  
治之。以此方煖中宮土臟又以  
寒熱之品互佐之。步步合法也。  
五臟有血。六腑無血。觀剖諸獸腹心下夾  
脊已絡中多血。肝內多血。心脾肺腎中各  
有血。六腑無血。近時以吐血多者。謂為吐  
胃血。皆耳食昔醫之誤。凡吐血五臟血必死。  
若吐血衄血下血。皆  
是經絡散行之血也。

水腫第十一

水腫病

有陰陽

腫皮膚腫大。初起目下有形如卧蠶。後漸及於一身。按之即起。為水腫。按之肯而不起。為氣腫。景岳以即起為氣。不起為水。究之氣行水。即行。水滯氣亦滯。可以分。可以不。分也。只以陰水陽水為分別。

便清利

陰水殃

小便自利口不渴  
屬寒名為陰水。

便短縮

陽水傷

小便短縮口渴  
屬熱為陽水

五皮飲

元化方

以皮治皮不傷中氣  
方出華元化中藏經

陽水盛

加通防

五皮飲加木通防  
已赤小豆之類。

陰水盛

加桂薑

五皮飲加乾薑  
肉桂附子之類

知實腫

薤白枳實

知者。真知其病情。而無兩可之見。壯年  
腫病驟起。脉實者。加薤白枳實之類。

知虛腫

參朮良

老弱病久腫漸成脉虛者加人參白朮之類

兼喘促

真武湯

腫甚小便不利氣喘尺脉虛者宜真武湯煖土行水間用桂苓甘朮湯化太陽之氣守服十餘劑繼用導水茯苓湯二劑愈今人只重加味腎氣丸而不知其補助陰氣反益水邪不可輕服也

從俗好

別低昂



已上諸法。皆從俗也。然從俗中而不踰先民之矩矱。亦可以救人。

## 五水辨

### 金匱詳

病有從外感而成者。名風水。病從外感而成。其邪已滲入於處。不在表而在裏者。名皮水。病有不因於風。由三陰結而成水者。名正水。病有陰邪多。而沉於下者。名石水。病有因風。因水。傷心鬱熱。名黃汗。金匱最詳。熟讀全書。自得其實。否則鹵莽誤事耳。○藥方中精義。頗詳。宜細玩之。

# 補天手

十千方

越婢湯。防已扶苓湯。越婢加白朮湯。甘草麻黃湯。麻黃附子湯。杏子湯。蒲灰散。蒼朮桂酒湯。桂枝加黃耆湯。桂枝薑棗麻辛附子湯。枳朮湯。附方外臺防已黃耆湯。

## 肩斯道

勿炎涼

群言。教異。衷於聖。以斯道為已任。勿與世為浮沉。余有厚望焉。